

2 Yohane

Yohanenye yu kulemgoep.

¹⁻² Tâune, nâmâ sop kâlep Yesugât kâmot damunye akmâ gan. Kulem ire Anutuñe mengekâmâ potatmâ giñep gâ akto nanañlupge yengât kulemgoân. Akto nen Yesugât den bunñe lokoenne biwinenne tângomap, akto tângom âgâwiap, aregât gâ okotne dondâ nâñgâgiñdân. Nâ konok bo. Nen den bunñe aregât ukenñe nâñgâmaen nen hârokñe gâ okotnenñe dondâ nâñgâgiñden.

³ Anutu Ewenenñe are akto Nanñe Yesu Kristo are yâkñe damun nenñe akmandat. Akto okotyetñe nâñgâ nengimandat. Akto tânnengum mandat aregât biwinenñe sândugembo heronñe humo nâñgâmaen.

Han kalemñæet keiñe.

⁴ Wei, tâune, nanañlupge bikñe Ewenenñe Anutu arekñe den kârikñe ikinjandeân makyenñep are lokom den ire bunñe dâm lokom manmai areyengât keiyenñe hain nâñgâm biwine dondâ âlepñe agep.

⁵ Akto den kârikñe siâ makgiñdere nâñgâ. Den anğâ bo. Miawagewânbak nâñgâm gam manmaen areâk makgiñbe. Biwiñe tân agum manbaen aregât miawagâkgât yu kulemgoân.

⁶ Dâ den ire amâ nâñgâlâk bo. Gâmâ keiñânbak nâñgâm gaen amâ hin. Anutuñe hin dâm makmâ hârenenñep, “Nâñgât den kârikñe hârok lokowei. Dâ den konok amâ umatñe dondâ amâ biwi tân

agu agu akmâ okot âlep aganjiwei.” dâm mak-nengiep, den are keinjânbak nângâen.

⁷ Akto hinje hianji luâk âmbâle dondâ miawagi. Akto kepianje kepianje arim hin makyengimai, “Anutuje Nanje hunjanaŋdo gewiap amâ Yesu bo. Yesu amâ Anutugâlânba bo gem luâk agep.” dâm hianjimai. Are yengât damun amâ Yesugât gasa kautje are.

⁸ Aregât biwiyenje damunje akbei. Akto âi humo meyi aregât hâu yânje akbopgât biwiyenje damunje akmâ yâk yengât den bo nângâwei.

⁹ Akto luâk âmbâle bikje yeje nângâ nângâyeje watmâ Yesu amâ Anutugât Nanje bo dâmai amâ Anutugât kâmolân gâtje bo. Dâ luâk âmbâle bikje Yesu amâ Anutuje Nanje hunjanaŋdo gem luâk akmâ malep dâmai amâ Anutu akto Nanje yâk lâuwâ arekje damunyeje akbela manmai.

¹⁰ Aregât luâk bikjande Yesu amâ Anutugât Nanje den are bo dâmai arekje gângâlân togombiâ emetgân bo olonyekmâ katyekmâ tânyenjuwen.

¹¹ Amâ niŋande gala akyengimap amâ agak memeyenje bâleje tânyengumap bâleje arekje makmâ miawaganbiap.

Den bâije.

¹² Tâune, nâje den bikje dondâ makginberâm aktân. Aregât gâwuje kulem esenje kulemgom katere gângâlân togowiap are bo nângân. Amâ hin nângân. Nâ gângâlân dowâk togore egakmâ denân maganji goanji akbaet. Hain akmâ okot âlep humo mem miawakbaet aregât ukenje nângân.

13 Akto gângât garige Anutuņe nângâm kepilâ aņep are in manmap yâkgât nananjluņe gângât okotyņe dondâ nângâ giņmai hain nângâwen.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

03f82704-6ad1-5094-a78e-e240d9f2d4f8